

BEL

informas

Nº 19

JAN/85


INFORMA BULTENO DE BRAZILA ESPERANTO - LIGO
Boletim Informativo da Liga Brasileira de Esperanto
Praça da República, 54 - 2º andar - Tel. 232-6309
20.211 - RIO DE JANEIRO - BRASIL



1887-1987

Centjara jubileo de Esperanto

IMPRESSO



MESAÇO DE LA PREZIDANTO DE BEL

Dum la Ĝenerala Ordinara Kunsido de BEL, okazonta en la lasta sabato de oktobro 1985, oni elektos la novan estraron por la oficperiodo 1986/1989. Mi esperas, ke du/tri monatoj antaŭ la dato de la balotado ni jam havos la nomojn de la kandidatoj al la vakantaj postenoj, por tuja diskonigo. Do, ekde nun, anstataŭ demandi al ni, ĉu jam aperis iu kandidato, preferinde demandu al vi mem, ĉu vi estas preta akcepti iun el la jenaj postenoj: prezidanto, vicprezidanto, ĝenerala sekretario, la. sekretario, 2a. sekretario aŭ kasisto.

Miaflanke, nepras sciigi vin, ke mi tute ne volas (almenaŭ dum la kvar proksimaj jaroj) kandidatiĝi al iu ajn posteno aŭ akcepti eventualajn invitojn partopreni kiel membro de movadaj laborgrupoj. Kompanse, mi promesas plu aktivi, ĝis la lasta tago de mia oficperiodo, kun la sama diligenteco, kiu karakterizis mian administradon, por ke ni sukcesu atingi pliajn celojn.

Antaŭ ol skribi ĉi tiujn vortojn, mi multe pensis, ĉu valorus la penon publike konfesi mian fruan decidon ne plu akcepti partopreni kiel estrarano de iu ajn Esperanta grupo en la proksimaj jaroj. Finfine, mi venis al konkludo, ke jes. Nur nun, post sufiĉe granda sperto en la prezidanteco de BEL, mi komprenas kial multaj samideanoj rifuzas akcepti postenojn en niaj asocioj. Kvan kam mi jam decidis aliĝi al tiu grupo de "rifuzantoj", ŝajnas, ke mi rajtas prezenti sugestojn, por ke oni evitu almenaŭ kelkajn novajn dizertadojn de batalantoj:

1) Ĉiam, kiam vi aŭdos kritikojn pri la malbona funkciado de iu ajn Asocio, anstataŭ tuj konsenti kun la kritikanto, klopodu elpensi kiamaniere vi mem povus helpi la plibonigon de tiu organizaĵo;

2) Se vi ne sukcesos malkovri la manieron rekte helpi la Asocion, almenaŭ provu mildigi la kritikojn kaj atentigi la kritikanton pri la fakto, ke la estraranoj de tiaj asocioj estas volontuloj; kiuj ricevas nenion por labori, krom eventuala morala apogo kaj plezuro pro la servado.

Specialajn dankojn al ĉiuj, kiuj helpis nin dum la pasinta jaro!

Pardonpetojn pro la leteroj ankoraŭ ne responditaj!

FELIĈAN NOVJARON KAJ FRUKTODONAN SEMADON!

Fernando Marinho

UNIVERSALA FENOMENO

El revuo "Esperanto" (januaro/85), ni prenis ĉi tiujn pripensidajn komentojn:

"Daŭra fenomeno dum la historio de UEA estas tio, ke aliĝas al ĝi multaj novaj membroj, kiuj post nur unujara membreco malaperas. Ili ne trovis sian lokon. Ĉiu devus trovi tion en movado, kiu ofte uzas la devizon "Unueco en diverseco". La pli spertaj espe-

MALLONGE ... PRI LA BRAZILA MOVADO

APERIS "LA MAIOJ" - Sub la aŭspicio de Klubo Esperantista Zamenhof (Caixa Postal 2012, S. Braz, 66.000-BELÉM, Pará), aperis la dua volumo de Kultura Kajero. Ĉi-foje temas pri "La Maioj", popolo kiu ekzistis en Centra Ameriko antaŭ la alveno de la hispanaj konkerintoj. La kajero estas 10-paĝa kaj kserografiita.

GRAMATIKO DE GERALDO MATTOS APERONTA - Laŭ informo publikigita en "Paraná Informilo", okt/nov/84, tre baldaŭ aperos verko de S-ano Geraldo Mattos, sub la titolo "Fundamenta Gramatiko de Esperanto".

RIĈA KULTURA PROGRAMO EN CURITIBA - Laŭ tiu sama bulteno supre citita, Paraná Esperanto-Asocio okazigas, la 2-an kaj la 4-an sabaton de ĉiu monato, ordinarnajn kulturkunvenojn. Jen la interesaj titoloj de la prelegoj de oktobro kaj novembro: "Unuaj Helpoj" (Ricardo de Hollanda); "Esperanta Prononcado" (Geraldo Mattos); "Vojaĝo en Eŭropo" (Paulo Sartor de Oliveira) kaj "Logiko" (Geraldo Boz Jr.).

SUKCESINTA REGIONA RENKONTIĜO EN BAHIA - Sesdek personoj partoprenis la I-an Regionan Esperantan Renkontiĝon organizita de Societo Esperantista de Salvador, kun speciala apogo de Esperanta Studgrupo "Zamenhof", kaj okazinta en la urbo Cruz das Almas, de la 13a. ĝis la 14a. de oktobro pasintjare. La programo konsistis ĉefe el prelegoj, arta vespero, kurso kaj diskutado pri la temo "kiel pli efike progresigi esperanton en Bahia. La proksiman jaron, la II-a Renkontiĝo estis programita por Muritiba (raportis gesamideanoj Yvette M. Queiroz kaj José Saraiva Mattos).

KAMPANJO POR PROPRA SIDEJO EN PERNAMBUCO - "Associação Pernambucana de Esperanto" iniciatis kampanjon ĉele al aketo de propra sidejo. Kontribuantojn oni povas sendi al: Rua Siqueira Campos, 279 (Edifício Brasília), 9ª andar, sala 905 aŭ Caixa Postal 1139, 50.000-RECIFE, Pernambuco, aŭ ankoraŭ, Conta nº (3091) - 227.255-5 do Bradesco (Agência Guararapes, Recife).

ARTIKOLO PRI "ESPERANTO" EN "AVANTE" - En la septembra numero de "Avante", bulteno de la Grupo "Peregrinos do Caminho de São Tiago" aperis tutpaĝa artikolo pri la internacia lingvo.

RUBRIKO PRI ESPERANTO - Aperas regule en "Boletim Informativo do Grupo Espírita Francisco de Assis (Rua Djalma Dutra, 28, Niterói, RJ), sub la respondeco de S-ano Joaquim do Couto.

AGADO POR ESPERANTO EN GOIÁS - Laŭ "Informa Bulteno de Instituto Goiano de Esperanto" nº 1, okt/84, ankaŭ en tiu stato oni diligente laboras por nia lingvo. En la unua semestro de la pasinta jaro, okazis bazaj kursoj en la sidejo de IGE (Av. Goiás, 636, s/104, 74.000-GOIANIA, Goiás) kaj la 11-an de aŭgusto estis liveritaj 12 diplomoj al kursfinintoj. Nuntempe, funkcias konversacia kurso. Kaj, la 28-an de aprilo pasintjare, estis elektita nova estraro de tiu Instituto por la periodo 1984/1985/1986, sub la prezidanteco de S-ano Eber Vaz.

ESPERANTO EN REGISTARA BULTENO - S-ano Claudio Spinelli sukcesis aperigi la ĉi-apudan noton pri esperanto ĉe "CONTRACHEQUE", Boletim Informativo da Secretaria de Estado de Fazenda do Rio de Janeiro, nº 06, sep/84.

NOVA ESTRARO ĈE "ESPERANTA KLUBO ZAMENHOF", EL SÃO MIGUEL PAULISTA, SP - La 2-an de decembro, estis elektita en tiu Klubo, nova estraro por la oficperiodo 1985/1986, sub la prezidanteco de S-ano Osvaldo Pires de Holanda. Gratulojn kaj fruktodonajn laborojn!

Correspondência em Esperanto

Kiom ni estas? Se vi komprenas tiujn vortojn, skribu al ni. Finfine, ni estas samideanoj. A tradução dessas palavras em esperanto para o português é: quantos nós somos? Se você compreende essas palavras, escreva-nos. Afinal somos co-idealistas.

O esperantista, Cláudio Spinelli, deseja se corresponder com você que, se estiver interessado, basta enviar carta para a Rua da Alfândega, 42, 1ª andar - Centro - Rio de Janeiro.


EN DECEMBRO, OMAĜO AL ZAMENHOF EN RIO DE JANEIRO

La 15-an de decembro, ĉirkaŭ 50 personoj ĉeestis, en la aŭditorio de SUESC (Praça da República, 50), al la kunveno omaĝe al Zamenhof, organizita de BEL.

Tiu kunveno konsistis el:

- Prelego de S-ano Paulo Sérgio Viana;
- Prezento de aŭdvida programo en esperanto (Brazila Turismo kaj Bestegoj, Bestetoj kaj Bestaĉoj) kaj
- Lanĉo de novaj verkoj de Sylla Chaves: La Bufo (disko), Alma Prismática (portugallingva libro kun poemoj pri paco, esperanto ktp ...) kaj "Canções Infantis" (disko).

La prelego de S-ano Paulo Sergio temis pri komparo inter la rilatoj de Zamenhof, la esperanto-movado kun la problemoj de lia tempo kaj tiuj de la nunaj esperantistoj kun la problemoj de la nuntempa mondo.



L. L. ZAMENHOF
(1859 - 1917)

SEP KURSOJ DE ESPERANTO EN MACEIÓ - Laŭ informo aperinta en KLARIONO, nov/84, nuntempe funkcias sep kursoj de la internacia lingvo en la ĉefurbo de Alagoas: tri, en la kvartalo "Tabuleiro" kie S-ano Luiz Gonzaga instruas al dekjaraj infanoj; unu, ĉe "Federação Espírita", gvidata de S-ano João Bruno de Oliveira; du, ĉe "Instituto de Línguas", gvidataj de S-ano Rossano Giuseppe F. de Arecipo, kaj unu, ĉe "Associação Alagoana de Esperanto", sub la gvido de ĝia Prezidanto, S-ano Ezequiel Alves. Korajn gratulojn al niaj "alagoanaj" samideanoj!

NOVA ESTRARO ĈE BRAZILA KONSILANTARO DE ESPERANTO - La 18-an de novembro, estis elektita nova estraro de BKE por la oficperiodo 1985/1987: Nelson Pereira de Souza (Prezidanto), Elvira Fontes (Vic-Prezidanto), Ludimar Azevedo da Silva (Sekretario), José Carlos Dorini Ramos (Kasisto) kaj Paulo Vieira da Silva (Kulturaj Aferoj). Ni sincere deziras al la novaj estraranoj fruktodona oficperiodo!

ALMANAKO LORENZ 1985 - La 8-an de decembro, ĉe "União das Sociedades Espíritas do Estado do Rio de Janeiro", estis lanĉita la eldonon rilate al 1985 de Almanako Lorenz. Tiu verko kiu estas eldonata ĉiujare de Spiritista Societo F.V.Lorenz, prezentas dekojn da interesaj artikoloj ĉefe pri spiritualismo. Vendebla ĉe la Libroservo de BEL (vidu aliloke).

DUDEK DU NOVAJ ESPERANTISTOJ EN RIO DE JANEIRO - Ankaŭ la saman daton, ĉe la sidejo de Niterói Esperanto-Klubo, okazis la disdonado de diplomoj al la kursfinintoj de la kursoj gviditaj de S-anoj Balbina, Álvaro Fausto kaj Jair Salles. Reprezentis la Ligon S-ano Alfredo Aragón.

ESPERANTO EN "LITERATURA DE CORDEL" - Sub la titolo "Esperanto - a língua internacional que ajuda os povos, num laço de cultura e de fraternismo", aperis verketo pri la internacia lingvo en la serio "Literatura de Cordel" n° 1.706 (Popularaj verketoj, verkitaj en simpla portugala lingvaĵo, laŭ poezia stilo). La aŭtoro estas S-ro Rodolfo Coelho Cavalcante.

ALTNIVELAJ KURSOJ EN BRASÍLIA - Inter la 4-a kaj la 9-a de februaro, Esperanto-Asocio de Brasília okazigos, en sia sidejo, du altnivelajn kursojn gvidotajn de S-ano Geraldo Mattos, Membro de la Akademio de Esperanto. Ĉiu kurso daŭros 20 horoj kaj la temoj estos "Pedagogio" kaj "Gramatiko".

ESPERANTO ĈE "BANCO DO BRASIL" - La ĉi-suba informo kaj foto aperis en la revuo AABB, oficiala organo de "Associação Atlética Banco do Brasil" kaj sendata ĉiumonate al miloj da oficistoj de tiu grava Banko. Tiun laboron pri E-o ĉe "Banco do Brasil" oni ŝuldas al la S-anoj Jorge das Neves kaj Ruy Cavalcanti e Albuquerque.

Informes Culturais

ESPERANTO NO MUNDO E NA AABB



Segue com muito boa aceitação o Curso de Esperanto iniciado dia 6 de novembro em nossa AABB. Antecedendo o Curso foi realizada uma palestra com debates e projeção de slides sobre a língua internacional, a

cargo do poeta Jorge das Neves e Ruy Cavalcanti e Albuquerque, que foi, inclusive, prestigiada pelo Presidente da Liga Brasileira de Esperanto, Coronel Marinho.

AABB

